



事部傳記

總錄之屬

附六十三號



明顧鼎臣撰吳承恩等補

狀元圖考四卷
明刊

狀元圖考



明狀元圖考序



珍賞



字士四明沈一貫撰



於都休哉章縫士一旦對策
天子明廷六字祝題褒然舉首繞
殿者雷利見者龍被身若天孫之
錦祥雲爛烏五色仙騎分自日邊

時則羣英大賢推其前驅上公碩
補隆其禮儀遠裔窮陬新其姓字
豈不以榮耀云爾也哉拔異材者
業勳是以羶節天下士天下士盡
奔走之如矢集的期必中終不
餘力而讓名矣然未有凡骨不換

宜錄不登措焉能妄費而弋獲
之者也意者天有特鍾運有特盛
山川有特勝乃產此人中之龍乎
不佞遙睹千佛名經而卒業焉見
青黃輿結孕者見青宅兆毓靈者
見有命造殊尤者見青夢寐預占

古識徵應者見有星躔示象而人
合天符者摠之事屬前定不由人
力也古來制科非一代占龍頭非
一人第表又赫又者若而人矣泯
泯汝又者亦若而人矣將其名傳
而所居名者不盡傳也豈其人能

傳其名而居名終不能傳其人耶
蓋羅一峰氏有言曰吾十年方玄
得狀元二字夫狀元也未得而胸
中有之既得而胸中無之是只以
為狀元矣是宜其名與其人俱傳
矣是足以副

聖天子拔異材屬龍頭之意矣
肯

萬曆己酉孟夏中浣之吉教



程應祚書

明狀元圖考叙

夫狀元有考矣復圖之者何圖其
事之奇也圖其地之異也譬之神
龍然其初潛大海也泥蟠淵屈与
衆鱗介去異迨以角養成將出騰

蒼冥而作霖雨先必天日蔽障雲
霧鬱蒸人莫窺其端倪此神龍奇
異也矧狀頭大魁固人龍也獨無
奇異哉如古先進夢華生花洛陽
敝渡夢產曾子往：皆先世奇兆

我

明歷科狀元即晉秩執苑多秉軸
台衡方未離蔬釋躋讀書州茅中
與士庶儔伍身然天地神鬼每呵
護不祥顯厥靈異後果首唱彤庭

勳猷彪炳，質法曩時。夢兆若符契，
然蓋自孕育。澡髮時天降，嶽誕神
物已鍾靈。而毓秀矣，特塵埃中人
未易物色耳。余敢表而出之，為之
叙圖考，以勗諸同志云。

萬曆己酉歲端陽日

霍林湯賓尹謹叙



狀元圖考凡例

一茲考也原本崑山顧氏兼博采京省諸刻詮訂魯魚付之殺青庶幾可稱全集

一顧氏舊刻止于隆慶辛未坊刻萬曆十一科者又畧而未詳茲會集諸刻細加讐校無的訪今科事實夢兆增入試懸國門可以喚醒塵夢

一圖者像也像也者象也象其人亦象其行余因夢徵校益茲考得良父黃兆聖氏以像屬焉卽
明元諸公始終履歷殆難盡摹而人各繪一事

事各揭其鉅錚者沉思細繹今當年神采異世
如見盦窺一斑可知全豹矣且以備繪事之賞
鑒

一字貴宋體取其端楷莊嚴可垂永久黃嗣宗氏
最擅臨池茲刻盦其手筆深有宋意

一繪與書雙美矣不得良工徒爲災木屬之剗劂
卽歎黃氏諸伯仲盦彫龍手也

一及第諸公詩詞多繪炙人口顧氏舊刻寥寥數
首諸刻亦不過百首今訪之詩家摭摭遺編校

增六十餘首共成一卷謂頌詩知人尚友者所
不廢也其有限于聞見所未及者不憚旁求以
待後科增刻

一狀元及第例有謝表舊刻僅四篇今仍刊入以
附詩後

一顧氏考末有總考而諸刻亦有通考總考分考
者盦備載三及第會元姓氏履歷茲併刻卷末
以便攷覈

一士人應試占夢兆者固多而步星學者亦不少

顧氏考亦有狀元命造評註諸刻又附三及第
會元命造今皆附卷終庶無遺珠之嘆亦見司
命之獨異云

海陽吳承恩君錫父謹識



國朝廷試事儀

三月初十日禮部尚書兼翰林院學士臣某等
於

皇極門奏爲科舉事會試天下舉人取中三百名
本年三月十五日

殿試合擬讀卷官及執事等官少師兼太子太師
吏部尚書中極殿太學士某等六十四員其進
士出身等第亦依

太祖高皇帝欽定資格第一甲例及三名第一名從

六品第二第三名正七品賜進士及第第二甲
從七品賜進士出身第三甲正八品賜同進士
出身奉

聖旨是欽此

讀卷官

三閣下 六部尚書 吏部左侍郎兼翰林侍
讀學士 詹事府詹事及少詹事 翰林院侍
讀及侍講學士 都察院及大理寺官員共一
十七人

提調官

禮部尚書及左右侍郎三人

監試官

監察御史二人

受卷官

翰林侍講侍讀及都給事共四人

彌封官

翰林光祿鴻臚都科部屬中書舍人共十四人

掌卷官

翰林脩撰編脩檢討及二都科共六人

巡綽官

都督至指揮武職共八人

印卷官

禮部郎中及主事共四人

供給官

光祿少卿寺丞及禮部主事司務共六人

恩榮次第

某年三月十五日早諸貢士赴

內府

殿試

上御

皇極殿

親賜策問

三月十八日早

文武百官朝服侍班是日錦衣衛設鹵簿于

丹陛丹墀內

上御

皇極殿鴻臚寺官傳

制唱名

禮部官捧

黃榜鼓樂導引出

長安門外張掛畢順天府官用傘蓋儀從送狀元
歸第

三月十九日

賜宴於禮部宴畢赴鴻臚寺習儀

三月二十一日

賜狀元朝服冠帶及進士寶鈔

三月二十二日狀元率諸進士上

表謝

恩

三月二十三日狀元率諸進士詣

先師孔子廟行釋菜禮

禮部奏請

命工部於國子監立石題名

門狀元圖考採用書目

俞氏登科考

田汝成記

狀元紀事

狀元錄

皇明通紀

殿閣詞林記

革除錄

枝山野記

水東日記

天順日錄

西樵野記

餘冬錄

雙槐歲抄

菽園雜記

懸笥瑣探

彭文憲筆記

皇甫錄聞畧

七脩類藁

近峰聞畧

治世餘聞

百可漫志

汪惇年譜

調言編

閭中今古

震澤長語

客坐新聞

義命編

瑣綴錄

吏隱錄

石田雜纂

百夢集

夢徵錄

吳中往哲記

吳邑編

郭璞遷城記

山東志

江西志

吉安志

進賢志

溫州志

崑山志

八閩志

襄陽志

西湖志餘

東里先生文集

金川玉屑集

巢睫集

一峰集

升菴詩集

龍峰集

畏齋集

文憲摘考

陸深文集

汝南詩話

明狀元考

狀元奇異編

狀元全考

明狀元圖考總目

卷之一

洪武四年至宣德八年

計三朝凡一十八科

卷之二

正統元年至正德一十六年

計六朝凡二十九科

卷之三

嘉靖二年至天啟二年

計五朝凡三十四科

卷之四

明三及第會元詩文

詩一伯六十一首表四篇

明狀元圖考目錄卷之一

高祖 孝陵

洪武四年辛亥吳伯宗 江西撫州府金谿人

洪武十八年乙丑丁顯 福建建寧府建陽人

洪武二十一年戊辰任亨泰 湖廣襄陽府襄陽人

洪武二十四年辛未許觀 直隸池州府貴池人

洪武二十七年甲戌張信 浙江寧波府定海人

洪武三十年丁丑陳郊 福建福州府閩縣人

韓克忠 山東兗州府城武人

洪武三十三年庚辰胡廣 江西吉安府吉水人

成祖 長陵

永樂二年甲申曾棨 江西吉安府永豐人

永樂四年丙戌林環 福建興化府莆田人

永樂九年辛卯蕭時中 江西吉安府廬陵人

永樂十年壬辰馬鐸 福建福州府長樂人

永樂十三年乙未陳循 江西吉安府泰和人

永樂十六年戊戌李騏 福建福州府長樂人

永樂十九年辛丑曾鶴齡 江西吉安府泰和人

永樂二十二年甲辰邢寬 直隸廬州府無為人

宣宗 景陵

宣德二年丁未馬愉 山東青州府臨朐人

宣德五年庚戌林震 福建漳州府長泰人

宣德八年癸丑曹鵬 直隸真定府寧晉人

明狀元圖考

句吳大學士顧鼎臣孫祖訓彙編

新都後學

吳承恩君錫父

校益

程一楨君寧父

黃文德承甫父


全閱

吳脩道敬夫父

黃應澄兆聖父繪圖

黃應纘嗣宗父書考

豫章後學朱孔陽父月父校



狀元吳伯宗

洪武四年辛亥 廷對之士俞友仁等一百二十人

擢吳伯宗第一 賜伯宗等進士及第出身有差

按吳伯宗字君祐江西金谿人父儀元鄉貢進士伯

宗生而岐嶷十歲通舉子業識者竒之嘆曰玉光劍


氣終不可掩洪武庚戌鄉試及 殿試俱第一是時

初開科 高皇帝親製策問伯宗條對稱 旨 賜

袍笏冠服授承直郎禮部員外郎第二第二第三授承事

郎二三甲同 登科考洪武六年罷科舉 用辟藝

其目有經明行脩有懷才抱德有賢良方正有人材
有孝廉群舉於朝而各省貢士皆令卒業太學以次
除用蓋罷進士之科者十有二年而復舉之
是科高麗國入試者二人惟金濤登第授東昌府
安丘縣丞尋以不通華言請還本國 詔給道里
費遣之登科錄止刻策一篇



狀元丁顯

洪武十八年乙丑會試中式士四百七十二人黃子澄第一練子寧次之皆監生也第三名花綸乃浙江新解首及殿試讀卷官奏綸第一子寧次之子澄又次之是年童謠云黃練花也練黃時人莫解比會試及讀卷所擬名數正協童謠先一夕上夢殿前一巨釘綴白絲數縷悠揚日下及折首卷乃花綸上以其年少抑之已而得丁顯卷姓名與夢符且顯字日下雙絲也遂擢狀元花之被選一時無不知者故同

榜皆呼爲花狀元練子寧集有送花狀元歸娶詩按丁顯字彥備福建建陽縣人時年二十八授脩撰後獲譴歸德業文章無聞焉殿閣詞林記洪武初翰林院官皆由薦舉進雖設進士科未有入翰林者是科以第一甲賜進士及第丁顯練子寧黃子澄爲脩撰第二甲賜進士出身馬京等爲編脩吳文等爲檢討皆出簡用不由選法命下吏部惟銓註而已至戊辰以第一任亨泰爲脩撰第二唐震第三盧原質爲編脩著爲令

狀元任亨泰

洪武二十一年戊辰

廷對之士施顯等九十九人

擢任亨泰第一罷對策不稱旨者二人

按任亨泰湖廣襄陽人有司推薦赴應天由監生中


式入試條對詳切卽以天下第一爲已任上親擢爲

第一寵遇特隆授脩撰每召建議卽賜手詔書襄陽

任而不名襄陽志亨泰狀元及第太祖曰新狀

元得人勅有司立牌坊以榮之故坊上特揭聖旨

字他坊惟恩榮小扁此我朝天下牌坊之始十三



歲時嘗題扇面云杲日初升萬木低畫船撐出小樓
西先生正熟朝天夢門外山禽莫亂啼其資達也人
以是詩預占之 狀元記事赴考前夕問響卜木杓
指北行聞有病內熟步覆醫人曰昨服第一鍾甚亨
泰卽曰曰吾已得識矣




狀元許觀

洪武二十四年辛未

廷對之士許觀等三十一人

擢許觀第一

按許觀字瀾在直隸貴池人本姓黃從母姓許嘗築翠微書舍勤讀書鄉會試具第一時年二十八廷對禦戎策以天道福善禍淫之機人寧練兵講武之法為言高廟嘉之擢狀元及第官至禮部侍郎後建文中死於靖難妻翁氏及二女亦赴水死節按此則許觀已三元矣當時不傳想削籍而人不知故耳



狀元張信

洪武二十七年甲戌 廷試彭德等一百人擢張信
第一

按張信字誠甫浙江定海人鄞人單仲友徵至京師
備顧問因言本府名明州與 國號同請易之 上
徐思之曰汝言是也復詢仲友山川讖緯之詳仲友
對曰昌國縣舟山之下有狀元橋蓋因讖故名而童
謠謂狀元出定海以臣觀之二邑素無穎異將有待
耶上聞定海之名喜曰海定則波寧宜改名寧波時

洪武十四年也迄二十年省昌國併入定海二十七
年縣人張信果應其讖蓋信卽昌國在城人也又郡
中初架石梁有謠曰人從橋上行狀元此時生其父
首從橋行逮還家有生兒之喜及舉鄉薦赴京夢以
竹片反押青犬頭置兀上解者曰竹片反押青犬乃
狀字置兀上奏元字况當甲戌必魁天下果如言



狀元陳郊

三月榜


狀元韓克忠

六月榜

洪武三十年二月會試天下貢士學士劉三吾等為
考官取泰和宋琮等五十二人中原西北士子無預
者三月殿試以閩縣陳郊為第一北方舉人咸以
為言上閱所取皆南士疑之命儒臣再考下第卷
中擇其優者取之於是侍讀張信等受命人各閱十
卷果以不堪文字奏進上益怒於是取六十一人
殿試再試策問以山東韓克忠為首時六月辛巳

朔皆山東山西河南北平陝西四川士也 登科考
陳郊閩人精數學就試之日謂所親曰今歲狀元當
刑奈何已而身罹之 山東志韓克忠山東武城人
授翰林脩撰學行淳實七月 命克忠署司業事其
見寵擢如此克忠與敝補壞脩明學政論者謂祭酒
宋訥之後克忠足以繼之尋遷河南僉事卒

世稱春榜夏榜以此又謂南北榜進士郊等伏法
削籍故今但有克忠榜而郊榜無可考矣若會試
錄則猶存也



狀元胡廣

洪武三十三年庚辰實華除二年也 廷對之士吳溥等一百一十人擢胡廣第一

按胡廣字光大號昊菴江西吉水人八歲而孤好學日記數千言德器不凡及登第 建文謂其名與漢

臣同且胡虜豈可容廣更名靖時年三十六 狀元

錄吉水縣東有鑑湖諺云鑑湖水决出狀元是歲水决胡廣應之 西樵野記胡廣吳溥 廷試俱取首


甲而狀元未定上雖注意於溥然試問小內豎曰今

年狀元在何處卽對曰在湖廣闕之胡廣其名也遂

舉第一 革除錄廷對定王良亦第一 建文以良

貌不及廣且廣策有親藩陸梁人心搖動之語稱旨遂以廣易之

登科考上名靖至永樂中得幸復䟽名廣耳



狀元曾榮

永樂二年甲申 廷對之士楊相等四百七十二人
遵洪武乙丑例也 擢曾榮第一

按曾榮字子榮江西吉水人自幼穎敏端重言笑不
苟五歲識象戲字治書經舉進士對策幾二萬言不
起草 上奇其才召問典故輒應口對命撰天馬海
青歌揮筆立就詞氣豪宕賜冠帶朝服馬瑙帶深沐
眷寵群士有以文士薦者每曰得如吾曾榮否耶
登科考成祖欲求博聞多識之士命學士解縉採天

文律曆爲題意士必爲所窘及得榮卷學問淵邃敷
奏詳明 上批貫通經史識達天人 有講習之學有
忠愛之誠擢冠天下 昭我文明尚資啓沃 惟良顯哉
山野記有虜使至稱善飲有司推能伴飲者得一
武弁猶恐不勝 上令廷臣自薦曾請往 上問鄉
量幾何對曰無論量但當陪過此虜逮往三人默飲
終日虜使已酣武人亦潦倒內翰爽然復命 上笑
曰無論文學此酒量豈不爲大明狀元耶錫以內醕
甚厚



狀元林環

永樂四年丙戌 廷對之士朱縉等二百一十九人

擢林環第一

按林環字崇璧福建莆田人 八閩志幼時矢口成


誦甫成童肆筆成章登第授脩撰修 永樂大典兩

爲會試考官從 幸北京進講經筵音語洪亮大被

眷寵卒年四十 夢徵錄環將試春闈夢友李文淵

送犬肉一片環彎一臂受之盒片犬乃狀字彎一臂

類元字後官文淵閣學士始悟李文淵乃先兆也



狀元蕭時中

永樂九年辛卯 廷對之士擢蕭時中第一
七年己丑中會試陳璠等八十四人 上巡狩北京
詔禮部以璠等寄監讀書是年駕還京乃舉 廷試
按時中字可後江西廬陵人少負大志每言不怕鬼
時郡學尊經閣多怪諸友試之先以衣置閣中暮令
往取曰能此方見心正時中至閣中聞婦人聲問曰
此何邪也婦曰我學前某人妻二鬼迷至鬼見君來
遂曰蕭狀元來悉逃時中出呼其夫携其妻歸




狀元馬鐸

永樂十年壬辰 廷對之士林誌等一百六十人擢
馬鐸第一

按馬鐸字彥聲號梅岩福建長樂人 義命編鐸初
與邑人林誌同學誌高才博學鐸亦自知其不及誌
鄉試會試俱第一比殿試出徧扣諸名士之作皆不
已若深以魁選自負迨傳臚之夕夢有馬奪其首誌
始懷疑既而傳臚馬果第一誌第二甚快快不服每
欺鐸汝沒學問狀元何以居我上一日互爭於廷


上知之乃曰試汝等一對對佳者卽爲真狀元矣其
對題曰風吹不響鈴兒草鐸應聲曰雨打無聲鼓子
花 上大稱許誌想踰時竟不能對遂愧服蓋鐸幼
時夢中有語之曰雨打無聲鼓子花不知謂何至是
用之益天設也不然何以屈林誌耶 狀元錄縣西
太平港舊名馬江江之東有十洋街古諺云十洋成
市狀元來鐸應其兆



狀元陳循

永樂十三年乙未始詔天下舉人會試于北京取洪英等三百五十人 廷試擢陳循第一

按陳循字德遵江西泰和人甲午首鄉薦會試擬首考官梁潛以鄉曲避嫌置第二 廷試首擢昔水湧龍洲讖曰龍洲過縣前泰和出狀元適龍洲水溢循應其兆狀元錄循家作醮度孤有漁翁夜半聞云明夜陳狀元家放水燈我輩去看漁翁開蓬寂無人次早果有陳秀才來叫漁船放水燈漁翁言其事



狀元李騏

永樂十六年戊戌 廷對之士董璘等二百五十人
擢李騏第一

按李騏字德良福建長樂人初名馬鄉舉第一 廷
試御筆改馬爲騏越三日臚傳凡三唱無應之者
上曰卽李馬也騏乃受 詔 賜紗帽銀帶朝服中
外傳以爲榮爲人嚴毅有氣節方病值 上升遐卽
出臨哭病遂深卒年四十八終於脩文 狀元錄是
歲長樂大平港又應十洋成市狀元來之讖

狀元曾鶴齡

永樂十九年辛丑
鶴齡第一

廷對之士陳中等二百人擢曾

按曾鶴齡字延年號松坡江西泰和人母夢星墜臥
內乃生鶴齡既冠以書經擅名由儒士與兄椿齡同
中鄉薦明年會試鶴齡留養於家兄舉進士為翰林
庶吉士竭力養母五年學者爭師之母命赴試得舉
進士擢第一授脩撰年三十九是歲龍洲水溢又應
狀元之識 是科浙江嘉興包鼎包鶴兄弟同登





狀元邢寬

永樂二十一年甲辰

廷對之士葉恩等一百四十

八人擢邢寬第一

按邢寬字用大直隸無為人幼穎敏力學 廷試初

擬孫曰恭第一 上謂曰恭乃一暴字也及見邢寬

二字甚喜擢第一 以丹書其名前此未有當時咸以

為寵遇寬家富且殷宦游十數年及歸而母尚無恙

寬先世有仕者每為囚求生道曰與其殺不辜寧失

不經人多感之因得此報

狀元馬愉

宣德二年丁未 廷試趙鼎等一百人擢馬愉第一
按馬愉字性和號璞菴山東臨朐人七歲方言下筆
成誦後 廷試第一授脩撰二年父病歸 賜驛騎
并藥餌費卒年五十三 客坐新闡臨朐渡口有土
人夜乘涼聞渡口鬼擲愉曰明日午時我輩得替矣
可托生也其人明午伺驗之至期見一舟載五六人
解纜鼓柁忽一婦求渡舟子挽舟載之渡竟無他至
夜仍於渡口納涼鬼復擲愉且哭曰却被馬丞相救



了一船人我輩苦也土人迹其婦乃馬融長子之妻
正懷娠後生一子曰愉官至入閣其爲世瑞鬼神烏
得害之哉

皇明通紀自洪武甲子一新科目迄今凡一十五科
以 廷對魁天下士者恒出於東南而北方學者鮮
與焉獨以東齊之秀魁天下士北方學者與有光
仁宗與侍臣論科舉之弊 仁宗曰北人學問遠不
逮南人楊士奇對曰自古國家兼用南北士長才大
器多出北方南人有文多浮試卷例緘其名請今後

於緘外書南北二字如一科取百人南取六十北取
四十則南北人才皆入用矣 上命計議以聞至
宣宗嗣位始奏行之後復分南北中卷以百名爲率
南北各退五名爲中卷北卷則北直隸山東河南山
西陝西中卷則四川廣西雲南貴州及鳳陽廬州二
府徐滁和三州餘皆南卷



狀元林震

宣德五年庚戌 廷試陳詔等一百人擢林震第一
 按林震字起龍福建長泰人性質穎悟幼有大志讀
 書九龍山見宋陳堯叟詩云人生五馬貴山有九龍
 游之句遂續云極品何榮貴須先占狀頭及長每開
 卷輒曰尼父韋編三絕豈可少間學問該博果狀元
 及第以疾歸卒




狀元曹鵬

宣德八年癸丑 廷試劉哲等九十九人擢曹鵬第一
賜鵬等宴於禮部遂爲例

按曹鵬字萬鍾號恒山直隸寧晉人幼有遐志日誦
數千言事繼母備極孝養鄉試第二以乙榜授學正
上言年少寡學未堪爲師願改別職自效命授幕職
遂改秦和典史愛民如子劇邑政繁處之裕如公暇
則延師講明理性篤學如經生每爲尹所誚曰可
作狀元曰不如是不已也壬子督部工匠赴闕乞入

會試中第二 廷試問羲禹河洛象數禹對稱首
第一以典史大魁天下前代所未有也後以少宰入
閣死於土木官其子恩脩撰蔭入翰林者金忠之子
達胡廣之子種與曹恩纔二人爵父子霑被可謂奇
異

終



正德
年

